



Universitätsbibliothek Paderborn

Metropolis Salisvrgensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Additiones.

urn:nbn:de:hbz:466:1-13591

PROPTER vetustatem huius familie, quæ omnia circum circa possedit, post deuastationem antiquæ arcis Waldeck, cuius rudera in præalta rupe, supra lacum adhuc extant in Schliers & Wallenburg habitauit, merum ac mixtum. Imperium vna cum Aduocatia Monasterij imo etiam in plerisque Monasterijs prædiis, à maioribus suis datis, partem censuum, vulgariter *die Stiftspfennig* in signum Dominij retinuit & habuit, vnde ab ipsis Canoniciis in libro de origine & fundatione Monasterij Anno 1378, scripto, in plerisque locis fundatores illius nominantur, qui ibidem sua sepulchra anniversaria ac sacra habent. Itidē in quodam laudo inter Canonicos & Dominum Wolfgangum de Waldeck, ultimum illius familie, per Sixtum Frisingensem Episcopum, & Albertum Bauariæ Ducem, Anno 1467, prolatō cautum est, ut prædictus Wolfgangus pro altero fundatore inscriberetur, ita ut prædixi, puto, saluo tamen aliorum iudicio. Post obitum Waldecensem translatum est hoc Monasterium, autoritate Pontificia per Albertum, Ducem Bauariæ, vna cum Ylmünstrensi Monachii, & vniione facta, instituta est ibi collegiata Ecclesia ad diuam virginem Mariam, Anno Domini 1495. Vbilatiūs de hac re.

ADDITIONES.

Regnante in perpetuum Domino nostro Iesu Christo. In Dei nomine. Ego Adalung simul cum fratribus meis Hyttivaldo, Gerbaldo, Antheno, Otachro, inspirante diuina gratia, secularia negotia deferentes, locum nobis elegimus communī hæreditate nostra seu parentum nostrorum, in vasta solitudine eremī, quæ dicitur *Slyse*, & ibidem adiuuante Domino Deo nostro, cellulam more solito construximus & oratorium eum consensu Episcopi Dn. Arbonis adficauimus. Deinde aduocauimus prædictum Episcopum ad consecrandam Ecclesiam, & ita factum est. Postea sub ditione ipsius Episcopi nos metipso commendauimus per omnia, & de manu Episcopi electum nobis magistrum virum venerabilem nomine *Perckos*, in nostrum suscepimus Magistrum. Post bienniū verò complacuit fratribus eligere prædictum *Perckos* ibidem Abbatem, & per consensum fratrum adduximus eum ad prædictum Episcopum, & juxta ordinem regulæ S. Benedicti electum ordinauit, & nobis posuit Abbatem. Ideoqua decreuimus cum consensu eiusdem Episcopi, ut secundum authoritatem S. Benedicti regula teneretur ibidem, & regulariter de ipsis fratribus sibi eligerent Abbatem ordinante Episcopo de domo S. Marie, si ibidem forsitan defuerit talis inter ipsos fratres, de domo Episcopali eligerent Abbatem, ordinante Episcopo. Actum in prædicto Monasterio 12. Calen. Febr. Indict. 12. regnante anno Thessalone, anno 32. cum ipsis supradicti fratribus in uicem testes exticerunt, Anno Domini 1343.

ARBRO Episcopus quartus, qui nostris prædictis antiquis fundatoribus monasterium in *Westenhoven* constructum ab ipsis quinque fratribus consecravit, & ipsis vitam, ordinem & regulam S. Benedicti in amorem Dei imposuit, sicut tenor prædictæ literæ superius sonat.

OTTO Magnus, Episcopus *Frisingen*. XX. qui post destructionem Monasterij in *Westenhoven* ac heu aliarum Ecclesiarum in *Bauaria*, ex malitia & duritia unius Ducis, qui dictus *Arnulfus*, natus cum barba, tunc regnauerat, desolatae fuerant; & postea à Saracenis combustæ erant, & ita fortassis centum annis magis inhabitabiles erant. Modo prædictus Dn. Otto Episcopus, ex diuina gratia & inspiratione S. Spiritus monasterium ex novo, nunc in loco *Slirsensi* existen-

existente, construxit, & in omnibus bonis, in honore S. Sixti & omnium Sanctorum, in remedium sibi & omnium Episcoporum, & omnium fidelium defunctorum recuperavit, in quibus potuit; quia in amore Dei hunc locum recuperandi dilexit. Postea Ecclesiam in Westenhoven præsentibus in loco recuperavit ad oblagium eorundem. Sciendum est etiam quod eodem tempore Dn. de Waldecke vocauit, & ipsum pro aduocato & defensore constituit. An. Domini 1145. Otto Episcopus XX.

SCHÖNENFELD INFERIUS.

MONASTERIVM Monialium Cistercien. ordinis, Berchtoldus Comes à Graiffspach, huius nominis secundus, cum uxore Adlhaid (quam quidam Regis Cypri filiam nominant) Burckhaimij Monasterium D. Georgio dicant, Virgines sanctas ibi collocant, sed quod is locus minus idoneus pietati esset solitudinem amantium, Sibothonis Episcopi Augustani licentia, precibus Conradi Cæsaris, consentiente Berchtoldo atque uxore Adlhaide, fundatoribus, translatio facta est, ad hunc locum Schönenfeld, non longè ab hostiis Lici. An. Domini 1241. &c. Auentin. lib. 7. Annalium, fol. 682. Sibothonem Episcopum Secueltam nominat, sed hunc in familia Seeueldensem Dominorum non reperto, ut Bruschius in Metropoli Moguntinensi notauit. Fuit de familia Dominorum de Gundelfingen, quod verius puto, & Auentinum forte in eo decepsum, quod Gundelfingenses Domini castrum Seeueld in Bauaria aliquanto tempore possederunt. Sed hoc centum serè annis post hunc Sibothonem, ut in libro meo Stemmatum Bauariæ latius inuenitur. Quoniam huic Monasterio fere, paucis exceptis, Nobiles Virgines præfuerunt, libet illorum Catalogum brevibus annotare.

ANNO 1242. venit in Schönenfeld Kunegundis Weikmanin, cum aliis sororibus ex Grauen Burckhaim Magistra.

ANNO 1268. Irmengardis de Meilnhart fit Magistra.

ANNO 1274. Domina Elisabetha de Neiffen fit Priorissa.

ANNO 1275. Juditha Trucksässin de Graiffspach eligitur Priorissa.

ANNO 1283. eligitur Domina Gertrand de Lechspurg, prima Abbatissa.

ANNO 1306. Guta de Stras.

ANNO 1324. Domina Anna, Comitissa de Neissen.

ANNO 1337. Gertrudis Marschalckin de Dornspurg.

ANNO 1343. Agnes de Muor, Sub ista Ludouicus Marchio Brandenburgensis, Dux Bauarie, vniuit Monasterio Parochiam in Burckhaim cum pertinentiis, Anno 1358.

ANNO 1367. Ursula de Schmichen.

ANNO 1377. Elisabeth Comitissa de Nyffen.

ANNO 1392. Agnes de Pfalzheim.

ANNO 1400. Clara de Holzhaim.

ANNO 1411. Elisabeth Hirschacherin.

ANNO 1423. Affra de Gumppenberg.

ANNO 1445. Martha Marschalckin de Dornspurg.

ANNO 1464. Anna de Knöring.

ANNO 1487. Lucia Zennerin. Obiit 1513.

ANNO 1513. Barbara Gentnerin.

ANNO 1534. Anna Haufnerin de Stetberg.

ANNO 1541. Lucia Ebranin.

Metrop. Salisb. Tom. III.

cc

ANNO 1559.